

Kantik Itron Varia Kerellon

VAR DON : *Itron Varia Lambader*

Itron Kerellon, hor Mamm ger,
 C'houi zo ker mad enn hor c'henver,
 Ma caromp sevel hor mouëziou
 Da gana ho meuleudiou.

Brud evurus ho trugarez
 Pell zo a red dre ar barrez :
 Ann eil rumm a zesk d'eguile
 Ho madelez a bep mare .

Eur wers a zoug kalz burzudou,
 Da ziarbenn ar goall-eùriou,
 Grëat, ò Mamm garantezus !
 Dre nerz ho præac'h galloudus.

Mes, evit holl o niveri,
'Ve red counta b̄uez pep hini :
Rag-ze Plouenanis bepret
Ho karo, Guerc'hez benniget.

Ar vamm pleget var ar c'havel
A gan ho kantik d'he bugel,
Hag ann den e pred ar maro
A lavar c'höaz oc'h hano.

Ni lenn Doue var hor meaziou,
Hag e glazder bolz ann Envou ;
Var c'hed d'ann Env ganeoc'h sevel,
Ni gar hor bro hag ho chapel.

E pe du mont enn hon anken
Ma na redomp enn ho kerc'henn ?
Poaniuz meurbet ve d'hor c'halon
Diouër ho ti a Gereillon .

Dre gozni e venne koueza
Evel holl draou bresk ar bed-mâ,
Hor guennek zo ëat laouen;
Eman rentet dress ha kempenn.

Dirag ho skeuden ^vbenniget,
Poblou a-bez o deuz stouet;
Joa e ganeomp he ~~je~~let c'hoaz,
Hirio kaëroc'h eget biskoaz.

Enn ho chapel e tesk-buhan
Ar bugel kerzet e-unan ;
Astennit dezhan gant evez,
Ho skoazël epad ar vuez.

Ni a fell deomp beza fidel,
Da heul ho roudou, Mamm Zantel :
Gant nerz-kalon ni a gerzo,
Dre'r memez hent d'ar memez Bro.

Oc'h unan beillit deiz ^{ha} noz
D'hor c'hass ganeoc'h d'ar Baradoz,
Ma velimp holl ho tremm skedus
E kichen trôn ho Mab Jesus.

J. Falc'hun
Vicaire à Ploüénan.

Imprimatur :

PLEYBER-CHRIST, DIE 5 MAI 1907.

F. VIEILLE-CESSAY,

Vicaire - Général

Morlaix Imp. Le Goaziou